

次資治新書


四之五


內閣文庫			
元	二		漢
函	〇		書
四	〇	〇	類
架	冊	號	

漢書門			
二	〇	〇	類
冊	架	函	號

內閣文庫			
番號	漢	2420	
冊數		20	(3)
函號		297	40

共廿





資治新書卷之四目次

文移部

水利

通禁塘夫折贖牌

秦瑞寰

行守巡十道牌

秦瑞寰

再飭開河檄

秦瑞寰

移江撫催河塘咨

秦瑞寰

驛傳

嚴飭驛遞應付牌

蔡魁吾

覆議帮貼長行詳文

洪谷一

詳撫院文

張及菴

工役

查觀風錢糧修學廟碑

秦瑞寰

修陡詳文

張及菴

議周公廟營造申文

文太青

行信豐縣建立銃臺牌

李少文

議福府車運申文


文太青

建倉詳文

紀子湘

資治新書卷四目

文七



荒政

申請賑饑詳文

蔣廷珍

報放賑詳文

文太青

被蝗請蠲詳文

文太青

賑粥文

王浴青

庶政一 留賢吏類

批提學僉事乞休呈

王陽明

批瑞州知府告病申文 王陽明

庶政二 恤亡官類

行南雄府禮送故官牌

王陽明

庶政三 飭衙屬類

預頒條約之一

李少文

庶政四 裁冗役類

請聖衙快詳文

文太青

庶政五 崇儉約類

查盤禁約六款之三

李少文

庶政六 祈禱類

移城隍司祈晴文

林鐵巖

移城隍司禱雨文

秦瑞寰

庶政七 恤孤貧類

行南城縣清查孤貧牌

李少文

行金谿縣汰革孤貧牌 李少文

庶政八 獎節孝類

批保節執照

文太青

判保孤執照

文太青

庶政九 禁科派類

報失盜

禁各屬派買官參詳文 周櫟園

庶政十 交代類

署府交代詳文

王浴青

資治新書卷之四

湖上笠翁李 漁蒐輯

水利

通禁塘夫折曠

蘇松 秦瑞寰 諱世禎 巡按 潘陽人

為禁革河夫折曠之弊。以甦重困事。照得蘇松屬縣濱海易淤。故每歲額設塘長。免其田差。專濬河道。原係力役之征。不知折銀之弊。起于何年。相沿至今。河夫其名。折銀其實。貪官蠹役。無不希潤。其中而一切不經之費。咸取給于此。支其名曰塘曠。是向用為濬築之役者。盡歸貧囊。蠹腹囊。既。可以。羅。萬。腹。不。止。于。飲。河。竭。一。方。之。膏。血。無。禪。一。線。之。源。流。將。前。人。水。利。

資治新書
之政釀成民害之端此時若不遏止竊恐滔滔日下
民與河有同竭耳相應通飭爲此牌行蘇松道府照
牌事理即便通行所屬今後開濬止許徵夫不許徵
銀永著爲令每年縣官于霜降時親臨踏勘斟酌用
夫多寡先儘木區次及協助責成塘長調度不許吏
胥經手若或潮小沙流河水不涸則竟行免濬以息
民力從前侵冒姑免追究此後敢有借陋弊爲舊規
復起折端以毒吾民者許地方云云取具依准繳查

行守巡十道

爲欽奉 恩詔事伏讀 恩詔款開一東南財賦之
地素稱沃壤連年水旱爲災民生重困皆因失修水

利致悞農工該督撫責成地方官悉心講求疏進水
道修築隄防以時蓄洩俾水旱無虞民安樂利欽此
爲照水利疏導得宜小民田畝攸賴是以周禮遂人
掌野匠人治溝凡陂池溝澮疏濬以時俾水流不壅
而地土無壞自古重之良有以也年來旱潦頻仍閭
閻失所致屢

聖慮頃本院入境時見浙西一帶隄塘淹沒陸路俱
無若遇霪澄必無洩水之地而瀰漫難圖若遇旱乾
必無蓄水之源而車戽無術由此推之浙東各府大
槩可見屆茲冬月木落農隙之際正宜及時講求流
通以重民事合行通飭爲此牌仰布政司守巡十道

照牌事理。即便轉行各屬掌印水利等官。躬親查勘。本縣原有陂塘渠堰。闡壩某處。應疏濬洩水。某處應築防蓄水。逐一清查。修復設處。何項錢糧。酌派何項夫役。俱要詳議妥確。見諸力行。但不得藉口踏勘。擾查騷擾百姓。自干罪戾。至阡陌間。溝洫塍澮。可以民力自爲者。俱勸諭百姓。及時築濬。省城內外。有無知居民。將官河填塞。估爲己業。起造房屋。堵築墻垣者。勒令還官。總期利國便民。成效可紀。本院查勘得實。自不靳薦獎優異之典也。曩在江南。濬復練湖。修築塘路。題薦紀錄。成例具在。茲保民實政。簿山亦經詳載明白。期各勉之。先具實行。遵依繳查。

再飭開河

爲督撫地方事。照得省城官河淤塞。業經本院檄行該道酌議挑濬。頃據詳覆。見在委官分任。刻期興工。當卽批允。去後。第聞向來開河。俱不遡流窮源。各處一齊動工。毫無次序。所挑淤泥。卽堆河干。並不運放城外。目前雖畧疏通。一遇靈雨。岸泥復流入河。仍前淤塞。勞而無濟。今次開濬。必須疏導得宜。以期一勞永逸。爲此牌仰杭嚴道。照牌事理。即便通查城內河道。某處向從某處發源。從某處匯流。由何水門流出。逐段註明。造冊一本。送院查考。挑濬之法。務從相近水門處。所先行開掘。用剝船載泥。運至城外空濶去。

處仍委官稽查。每日須運淤泥若干。船不許偷閑避役。然後以次逐段疏通。務至發源處所爲止。大約以開濬一丈爲率。其有淤塞太甚。民間無知。蓋房搭橋。築牆編籬者。可通舟楫處。所盡行折毀。以便往來。不通舟楫處。所卽責本家開掘。務使水流深濬。如有豪猾阻撓。嚴拏解懲。衙役里蠹。借端需索。枷責追賂。決不姑饒。其派夫工食。合用畚插等項。俱照本院原議遵行。該道仍移會南關知照。并大書告示。曉諭施行。

移江撫催修官塘

爲官塘關係地利不小。厥工甚鉅。謹將估計工料。併撥抵銀項奏聞仰祈

聖鑒。嚴責成功。以垂永利。事切照蘇常二府運河官塘。南自王江涇。北至呂城鎮一帶。傾圯多年。水缺間斷。稼穡既妨。尤難利涉。前年本院巡行所至。目擊心維。特捐贖銀四萬五千餘兩。題奉明旨。專官修築。原委蘇州府通判吳重舉。常州府通判崔鵬翼。經歷王維新。董理其事。承問各官。催督解濟。以竣其工。孰謂本院復命之後。官役虛役故事。盡屬捏報。侵欺。又值按差復停。遂無稽考。上秋本院奉命撫浙。假道吳中。沿河察驗。官塘十不完。二橋梁傾頽如故。卽修者無過掠取。舊石畧加粉飾。何曾採石埋樁。重新整頓。閱之不勝駭異。又據各該士民匠役人等呈首

官役侵蝕等弊鑿鑿有據隨經咨請貴院清追修築
在案今密查前項贖銀上下衙門蠹役通同催貯者
竟入私囊給發者虛冒烹分未完者受賄批免遂將
數萬金錢朦朧乾沒殊不知此項錢糧原應解京充
餉本院特疏 題留修築原爲地方經久之計必查
通歸實用毋容溷冒分毫每欲 題明清追尚俟確
查實跡惟是隔省未便督催必藉貴院檄行清理然
塘橋之完否賍贖之侵欺久在洞鑒中矣必祈弔查
原卷按冊追求究追侵欺嚴查賄免催督未完另委
廉官補修竣局則三吳水利之功皆出于再造矣

驛傳

嚴飭驛遞應付弊

江西巡撫蔡魁 諱士英 閩東人

爲嚴剔積弊永立良法以蘇驛困以沛

皇仁事照得地方凋殘至江右極矣而驛遞之倒廢
又木有甚于江右者近復因雨藩在廣王差 詔使
絡繹不絕是凋殘倒廢之後而應付反倍於生全安
堵之時嗟此子遺其奚以支若何奉差員役恣行威
挾於勘合火牌之外加馬加夫或既已有馬又復索
船既已有船又復索夫必得折乾飽腹而後已其隨
從家丁尤無端刁勒索動百姓辱州縣鞭驛官鎖打
馬戶夫頭以致閉門罷市新淦建昌各邑屢屢見告
其積弊流毒誠如

聖諭始知九重之上洞悉斯弊不啻觀火業已刊刻曉諭豈各差使等于弁髦悖旨殃民惺然不顧本應題叅重處姑除已往不究外今設立填報循環文簿之法以祛前弊爲此仰府官吏即便轉行各州縣驛遞各備循環文簿二本呈送本部院印發凡遇差使到日即將勘合火牌原註定馬匹抄入簿中如差使循法外無勒索卽於前件下註照數應付訖並無外加及勒索等字樣如有強橫員役於應付之外必勒加馬加夫亦卽於前件下註明外加馬若干匹夫若干名又索銀若干兩跟役家丁索銀若干憑某過付或鎖打船戶夫頭驛官凌辱州縣各官一一註

明仍先具詳飛報以憑拿究其填註循環文簿每一月一換本部院查明叅處該州縣驛遞當於應付處所將本部院印發文簿及上傳告示一先與差使看明若仍貪狼不遵必於數外勒加及需索陋規折乾等銀者卽於本人當面實註入簿倘有倚勢不容填註者許該縣驛卽行飛馳密報以憑題叅該縣驛亦不得於正數之內短少馬匹抗匿逗遛查出定以遲悞公事叅究至於司道府館小票催糧拘犯等差一槩不准應付本部院法在必行爾奉差員役各宜欽遵上傳不得踵習惡例致干題叅國法森嚴常刑無赦思之慎之如各縣驛官徇情濫與不

填不報本部院不時查出。或經被害告發者與受之人一體重究不貸。

覆議幫貼長行詳文

詔州洪谷一諱
司李欽縣人

看得粵東孤懸天末。地值邊衝。兵馬往來。歲無虛日。而韶之曲江英德。雄之保昌始興。則地居上流。尤為兩廣咽喉。不但生斯地者。疲于供億。有身家莫保之憂。卽官斯地者。亦若于撐持。有我躬不恤之嘆。故前曲江始興保昌三令。相繼自盡。去年八月。界職蒞任。目擊時艱。曾條幫貼夫船長行之議。業蒙批行酌議矣。後保昌白知縣自縊。又蒙虔院檄行有大吏亦當蒿目而籌之。論卑職遵奉。又有覆詳幫貼之呈矣。今

部議有隣邑協濟之語。各憲又有處窮當變之批。莫不洞悉苦情。思爲拯救。職敢不罄竭一得。以備採擇。謹將明問所及。一一陳之。夫兩粵尚在用兵。征調頻仍。一切取夫取船。自當隨到隨應。此征調之難停者也。國家一歲經費。所入不符所出。正供稍有缺額。三軍必致枵腹。故縣官之考成。視錢糧之完欠。此催徵之難停者也。然夫船有供應矣。而又索勒馬匹。廩給有額規矣。而又索勒折乾。鞭笞百姓。過于牛馬。兩叱縣官等之奴隸。差役之費。數倍正供。富者貧而貧者。逃追比無施。輸將誰辦。此可不議革乎。傳銀除火牌勘合兩藩令牌之外。部議不准開銷矣。然當此軍

與孔亟之時。載糧草。載火藥。載軍器。載馬匹。何項不關。國計。又三院牌票。取辦官差船隻。皆係重大公務。何項不宜供應。今皆無米難炊。而傳銀反留餘羨。貽累官民。實與立傳之意相左。竊謂部文紙牌不准開銷傳銀者。爲腹裏無事之地。各衙門差役橫取侵冒者言也。今粵東何地。難與腹裏之例並論。此存留傳銀所當踈請動支者也。又查經畧部院凡發運各官兵糧米。夫船脚費俱得動支正餉。今粵東多事。不減湖南里役解運水脚。例皆累賠。故里長一當解役。必致破產傾家。不驅而之。死則驅而之。盜爲民牧者。愛民有心。而點金無術。繪圖有手。而叩閭無門。不得

不坐視其死而莫之救。此解運脚費所當援例疏請者也。至若保始曲英等邑。地當孔道。差使供應之苦。無所逃其責矣。然四縣不幸。地當其衝。固不能卸其若干人各縣幸而地居其僻。忍不量分其責于已。今查曲江各縣協濟之銀。仁化每年若干。翁源每年若干。乳源若干。樂昌若干。英德協濟傳銀止乳源貼銀若干。于此舊例也。今曲江平圍濠瀆二驛。裁併芙蓉矣。英德清溪一驛。裁併慎陽矣。驛遞雖裁。站銀難減。當此征調方殷。民膏日竭之時。驛遞供應數倍往昔。合宜酌量加增。以濟二縣之窮。此隣邑協濟之當議也。州縣錢糧各有項欸。功令不許借支。那移。此亦腹

裏無事之地則可。若邊方差務殷繁，羽書猝至，那此應彼勢所必然。今欲坐此加罪縣官，譬人方有燃眉之急，而責其待救，西江必無濟矣。但責其事後追補，查其有無侵冒，倘果逃亡拖欠，亦與量准開銷。庶縣官無捉襟露肘之憂，小民亦免敲骨剝膚之慘。此本縣協濟之當議也。至若差使往來，索勒夫船之苦，真有不能更僕數者。頭站一到，家丁四出，官民交累，雞犬不寧。幸而庫藏有銀，那支目前猶可應去。不幸庫銀告匱，寬炤一逞，筆楚立加。小民之膏髓幾何，縣官之力量幾何。寧復能顧身家留性命乎。欲救此弊，舍幫貼長行之策，其道無由矣。卑職業已一詳再詳，備

陳利弊，茲不敢再瀆。然此事猶廢推敲者，其說有二。一云保昌無船，必須各縣造船解彼供應也。一在貼無定額，多寡之數不均也。今按廣雄二府，乃通省商賈船隻湊集之處。從來驛遞船少，多係僱募。應差但在平其價值，無不踴躍趨事。即廣雄二府差船亦可回頭僱募。彼此接應，若令三縣造船，聚之一縣河下，舳艫相接，檣帆雲集，差使勢必求多。驛遞反至騷擾，不惟無益而適有害。且有造船修船之費，有管船工食僱倩之費，頭緒多端，愈覺煩碎。惟傳銀源源協濟，則何事不可幹辦。故職謂驛船當供應，而差船不必另造也。至若幫貼站銀，以應火牌勘合，則照傳道併

七留三之額。計貼膳夫。以應紙牌各差。則照各縣現
行計站支銀之例。以保昌一季。答應夫船之數計之。
則各縣該帶多寡之數。可定矣。合傳銀膳夫供應之
數。共計之。則公貼私貼。多寡之數。可定矣。傳銀則先
期解赴。船隻則臨期僱募。水手則照站給工。多寡則
季終找算。聽當事之伸縮。不旁議以阻撓。憲諭所謂
合二府之物力。以濟一路之衝煩。端在此也。然持議
者。猶有萃苦于雄之說。又不得不一言以剖之。夫差
使之臨上。由保昌。下自南海。從未有無船而越雄。飛
渡至韶者。亦未有中道至韶。而空船上水回雄者。其
經過各縣。不過執沿途應船之牌。以爲索勒折乾之

具耳。是保昌南海二縣。幫貼長行之法。行供應之船。
不加多幫貼長行之法。不行供應之船。不加少蓋雄。
原有必不能辭之苦。非移部之苦。以累雄也。是在官
此地者。共切同舟之誼。持斯議者。勿作築舍之謀。則
立可見之施行矣。且縣丞一官。原爲佐理縣令而設。
也。縣官既有錢糧簿書之任。復責其拮据夫船迎送
之事。豈能分身以應。今議傳銀夫價。專責縣丞督催。
僱夫備船。仍令驛官管理。其經收出入之數。則委戎
廳專司稽察。以杜混冒。庶官屬各效任使。諸事無不
克舉矣。抑卑職猶有說焉。人之才品不同。煩簡當權
人地。今後保昌始興曲江諸邑。須遴選才能年壯者。

以肩斯任。破格辨勸。庶幾綆短。無汲深之虞。而利器有盤根之別。此調繁調簡之說。所當查舊例疏請者也。卑職書生管見。不當事機。惟採擇詳覆施行。

詳撫院

廣西 驛憲 張及菴 諱弘俊 大興人

竊照本道職司驛傳。到任以來。卽行各屬嚴禁橫索。清察濫應。稟遵部文。凡勘合火牌之外。其餘一應紙票白牌。槩不准其銷算。盡行駁追。以求無負本院內部稽核錢糧。裕

國利民至意。但粵西驛遞之苦。大不同於腹內諸省。而地處最衝。支應最難者。又莫若某某七州縣。爲甚。今以應付紙票白牌銀兩。見在比追完納無措。各

屬具文詳請。本道實有不得不爲請命者。云云。奉本

院派民有禁。一有差使。不應則遲悞軍機。應之則借貸雇頁。民不能枵腹。以當差官。豈能到骨而賠補。是以銷算之後。駁追甚多。本道追之州縣。州縣之追百姓。催比不啻再三。完納絕無一二。嗟彼殘黎。擡轎擡損。使之如畜。乃復追補。是示民不信。何以勸後。况海寧一帶。方在設兵。督院不日移駐梧府。差使浩煩。日甚一日。旣不免其力役之征。又不使沾分釐之惠。將來所在逃亡。公事遺誤。勢所必至。所損在民。而所益又未必在。國此本道所不忍言。亦本院所不忍聽者也。爲今之

計急請本院賜咨達部嗣後紙票白牌准與勘合火
牌一例開銷云云俟地方大定之後羽檄既稀應付
自寡彼時再照各省事例一槩紙牌白票不准開銷
實為妥便緣係職堂不容緘默伏候憲裁

工役

查觀風錢糧修造學廟

秦瑞寰

為督撫地方事照得全書額載觀風銀兩原供三院
探風考試之用前年巡方止息擬未舉行前項觀風
額銀既徵在官必多侵隱今者各屬文廟悉皆頽
頹書棟椽題幾同瓦礫片宮泮水強半榛蕪殊非崇
聖右儒之義若以此觀風餘銀清查修葺則興文之

措置得

宜即此
可說宏
包

物還為崇文之用計莫便於此者合行查議修舉為
此牌仰提學道照牌事理即便通行各府州縣備查
額徵觀風銀兩年該若干九年十年十一年未經動
支實有見銀若干明白造冊詳報一面各將本處學
官估計修葺約用工料若干即以前項額銀責令印
官刻期興工不得藉口民欠那用致滋侵蝕倘工費
不貲再議倡指設處務期銀歸實用工無冒侵美輸
煥於重新翼文教乎無斁於該道有厚望焉速之速
之

修陟詳文

張及菴

看得陡河一帶原係人力所通故時議修濬興安疊

資台斤督卷四

七

遭兵燹久未大修。春夏則土岸有崩潰之虞，秋冬則石隄有穿漏之患。水性衝啗靡常，運道梗澁可慮。向來小修所用工料無多，終難一勞永固。目今土岸頽卸已甚，若不及時修築，遷延日久，一旦崩潰，所費愈有不貲者。本道三月內暫行小修，遂同全州知州孫裔昌與安縣知縣劉兆龍沿堤逐隄，一一踏勘明白。其應幫應築應填應修事宜，俱已備載冊中，不敢具贅。但興安故老凋零，成書灰燼，無憑查訊。卽有一二陡軍及喚到石砌各匠，俱非曾經大役之人。止憑本道及該州縣揣摩酌議，又恐冊內油蔴鐵炭等價或有不符，隨於本道回省之日，喚集各行經紀面訊妥

確。方致據實開造。今據該州兩議前來，一約費銀五千二百六十四兩有奇，一約費二千六百四十三兩有奇。二者俱可堅久。准有石隄三處塗漏之外，仍必加幫砌，則所費者多。不加幫砌，止塗漏孔，則所費者少。餘用無容增減，伏候憲示其一，以便遵行。本道奉委估計，既不敢以有用金錢濫開糜費，亦不敢暫邀節省虛名。草草開報而爲不終日之計。若此時估計不符，後費難繼，不敢復請增添。必致苟且塞責，用過錢糧，徒費可惜。此該州造報二冊，皆本道與之商酌再三，而後敢申請者也。至西粵錢糧正在仰屋之時，欲請鹽稅而本省各項支用久矣，入不敵出，欲請撙

濟而非經。題請何敢擅動分毫。此則仰候憲酌。非
本道所敢擅便者。更查往例。修陡須閉陡兩月。少者
月餘。往來船隻。槩行停止。目今粵西既已蠲徵。本省
已無存留之米。所仰給者。惟有江糧。閉陡兩月。必先
遣運。兩月之糧。庶免臨期。耽閣有悞。軍需至石。埋須
募匠先鑿石。灰須立窰。先燒油。蔴鐵炭。船隻皆不產
自興安。須先期買造。錢糧若不湊手。取辦必致後時。
此皆不敢不預言者。人夫給以鹽米。工匠給以工銀。
方可董之趨事。但工料各項。臨期酌用。尚有增減。至
于起工日期。應待秋末冬初。農閒水涸。便于施力。不
過冬盡。即可觀成。庶幾舟楫之利。永復初制矣。

議周公廟營造

文太青

竊惟以周公元聖。道隆禮樂。功被天壤。况邾鄆又其
經營定鼎之邑乎。始焉袞衣繫東山之戀。終焉七年
有誕保之勤。又宜其神明之所獨棲也。遺像儼然。薄
夫亦肅而風雨交于簷阿。星日穿于眉宇。瞻拜之際。
悚乎弗安。百務尚可緩圖。廟貌豈堪尚待。幸蒙雅詢。
已有本府估冊在。以三十九金。而妥大聖人之神。亦
何愛而弗爲。本縣卽先出俸十金。佐其役。謹請誼吉。
以便經始。

行信豐縣建立鏡臺牌

李少文

爲議立鏡臺以資保障事。照得該縣西城外火焰山

係信邑主山原宜聳峙但山高于城且逼近縣治萬一敵人乘高闕下則城中虛實盡在目中是以險予敵也雖山下有居民環之而警報一傳方爲風鶴之驚竄其能射隼高墉之上下乎與其周章于臨事何如綢繆于未然則山頭應建銃臺墩臺各一座便于瞭望仍多設銃砲以備不虞該縣派撥義勇二名守軍二十名常川防守山下建營房數間棲宿防守軍人值有寇警軍士登山矢砲齊發外以禦敵內以護城實便計也但設處工料必須請詳上臺合行查議爲此仰縣卽將建臺造房規制併應用工料細數酌議妥愜具繇開冊報廳以憑轉詳事關地方毋得遲

延木便

議福府車運

文太青

查得本縣環山而邑原無馳道車轍獨東北稍有紆坦目不滿一望卽槩縣搜車不滿四十輛而兩運輜重繁多本縣應運之船斷非四十輛之所能了則車足數之難一家出車春耕坐廢卽懸金而呼其誰應前豈馬三十匹月餘尚不能全况以眉睫之急而求車數倍於馬勢非累月不可則僱覓又難調遣之檄一下須朝聞夕馳招集必不可以卒至若預爲招集則車須三人三牛既無起行之期何所給而食乎則招集又難本縣去孟津二百三四十里車行勢必三

酒酒不
竭之論
只以數
論收之
非老手
不能

日而後至恐臨時赴命不前必至後期則驅馳又難
况車必編號于津邊而受船比時千轂相摩安敢驅
使如意則指揮布置又難即受載而入國門前轅已
塞于宮闈後軸又填于市街則交割行李又難至于
夫則閒民之游手者方借此役以糊口未有有食而
無人者報各在官可以待期即臨期而少數人可召
而補也命至即行兼程可集于河口其就舟而肩受
則一麾而陳列其交割于宮闈咸便本縣斷不能以
車易夫業已置辦槓架

建倉詳文

杭州紀子湘 諱元
司李 文安人

為酌議速建官倉以慎大獄以重民命事切照在官

人犯罪有輕重之分則禁有監倉之別此定制也凡
人命強盜成招定辟者始加鎖枷繫入監獄候
旨處分至在 欽案憲案 或未經訊鞠慮其疎虞
或已定招詳罪涉疑似者均應發倉羈候今本府并
仁錢二縣止有監而無倉囚犯不論輕重概繫于此
省會重地獄訟繁多每月稽查監簿不下千人無論
穢氣薰蒸易生災疫不分有罪無辜均化獄燄已屬
可憫且以人類嘈雜則奸究易生啟閉無時則疎虞
難料常有輕犯入監即為重囚之線索傳遞息使
之詐富扳良贖官擾民半由于此又有重囚冒輕犯
之名或竊換衣帽乘獄卒之不備混跡越監而去者

弊竇無窮。禍端側出。賦鯁鯁慮之。近查得錢塘縣地
方原有舊倉基址。因向年倒壞。遂成丘墟。今本廳會
同本府及各廳縣。捐俸修建。備牌行錢塘縣查明舊
址所在。可建房若干間。築墻若干丈。應費工匠若干。
木植磚瓦若干。一估計明白。報廳以憑申詳。上臺
即日興工。告竣去後。今據暴知縣查看得云。等因。
到廳據此。理合通詳各憲。臺祈為酌奪。批示施行。
荒政

申請賑餼詳文

台州 蔣楚珍 謹鳴玉
司理 金壇人

看得台州險阨。四塞腹背。萬山憑臨。大海十日旱。則
盡室呼天。三日雨。則闔門沉甕。蓋岡巒不及布其咫

然。雅人見。文移軌。積粟不。闕言其。俗也。請。看此等。文移俗。與不俗。改石田。以痴之。筆繪鄭。俟流民。歸是一。幅絕奇。山水恐。雅人未。
巖嶺不獲峙。其崇崩。洪一下盤。束于蟻旋。螺轉之區。
泛濫于石。殘沙齧之域。鳥道一線。懸絙繫。縶以上下。
者。水至成河。自蒼嶺以東。繇天台而南。並無湖浸。莫
築隄防。積雨之後。蛟螭為患。海立波飛。迴瀾一瞬。洪
潮驅沒。所以台苦在旱而勞。更甚于旱。台患在海而
山亦同于海。每歲不論豐凶。大豐粟不能出。大稔粟
不能入。一遇歉年。蕪薇既盡。草木為糧。其甚則屑土
為粥。團泥為飯。疾病隨作。災疫流行。本年瀆雨。浹月
有餘。山深谷隱。陰氣晝合。水高數丈。浸沒樹頭街巷。
浸淫田疇。蕩析疫延。數邑十死二三。誠有如各縣所
申者。但災荒與各郡同。而受患之深。確有甚于他郡。

之是耳

者他郡田連阡陌台皆壘石為畦穴集為磻今大水
一過畔地渠遷埽磻盡壞他郡仰給外藩台州無舟
無車壯夫疾走不及百里所負不過數斗商販四絕
五穀不通他郡水退之後或種晚禾台地氣獨早六
月接新一失其時無種可續他郡冠紳相望富室可
封台郡宦跡寥寥城無典舖村無殷戶以是救荒之
策易窮大澇之餘堪憫除設法流通隨時拯救如設
粥施藥平糶諸倉外小惠弗敷煦濡無益仰祈憲行
軫恤大沛周仁庶幾幽谷春回于爰律而饑民命續
于鴻施矣

報放賑

文太青
諱羽鳳
陝西人

按諸縣之議賑有以次貧斗半極貧二斗者有以次
貧二斗極貧三斗者本縣獨議次貧三斗極貧五斗
大約里老之所初報次貧者必不貧者也報戶太多
議穀太少必無比屋而賑之理而貧者散漫山谷止
獲一二斗比歸而費過半矣即命就其所報極貧內
又分爲二等近萬人分里之遠近先期以日視其日
命縣尉挨里甲而點之儀門之外本縣于堂事一一
面定之凡衙役里老鄉保之類總不需一勺審其衣
貌而增減去留之但有生計者不收也而付賑單註
數命簿官就倉收單准給仍命役抗四牌而督之出
門毋令入酒肆亦無令債家得以稽留之而花戶于

資治通鑑卷四

六

一。乾饑至得。以全糧歸矣。其為里老所漏報而至者。即報于縣尉。而一切命進面定。而予之大約苦心與審編等也。

被蝗請蠲

本縣七月抄。有廉內之役。倉皇就道。聞蝗之初。至尙未見。有手贖控者。比以閏八月。還邑抱贖。而控蜚蟲者盈庭矣。命衙官借里老跡。災約得七分。舊例過期者不敢報。而本縣固有省闈之命。未獲借諸邑。以災聞也。祈委覆勘。以答翹首蹙額者。

賑粥詳文

台州司理王浴青諱景州人

為詳明捐賑事。台郡連歲饑荒。民不堪命。又加海道

兩番蹂躪。民間膏血盡枯。廬舍成灰。求為四壁蕭然。而不可得。以致父子仳離。夫妻失散。伶仃哀苦。號泣于道路者。接踵而是。職目擊心傷。救援無策。且當此嚴冬。互寒饑不足。而繼之凍。此必死之道也。况賊氛伊邇。能保其不走險。而為苟延旦夕之計乎。卑職叨署府篆。不但情不能忍。亦且義不容辭。為今之計。蠲租固所不免。然權其緩急。尚屬第二義。其最要而為續命之膏者。莫若賑粥一事。所苦俸錢無幾。勸助甚難。若不以身先之。雖大聲疾呼。誰為響應。查到任以來。有未領俸銀四十五兩。心紅紙札銀二十兩。又自帶乘馬九疋。變價二百五十兩。已一面差人前赴產

謀深慮遠無微不至

米地方。照依時價購糴。擬于次月初一日為始。在郡城之外。東湖亭及教塲等處。煮粥賑饑。至明年麥秋告止。費或不繼。再行措處。倘有官民樂助者。多寡不拘。聽其自便。猶恐饑民眾多。男婦雜處。未便且慮擠傷老幼殘疾之人。今酌分四處。每處撥練達耆老二名。勤謹衙役四名。家丁二名。管攝薪米。分頭起糶。日給二餐。躬親驗視。內有赤身飢粟者。量買舊衣。分給之。總以救民于未死為。朝廷留億萬年徵輸之地。且以收拾人心。預弭禍亂。至日前被劫時。殺死屍骸。暴露未斂者甚多。俱經差役遍行收葬。更慮開賑之後。四方饑民。輾集恐致不虞。今議將府廳縣衙各役。

及練就鄉勇。內每門選用十人。監守稽查。異言異服之人。凡鄉音不對者。不許放入。庶內無孳死之憂。外絕萑苻之患。第事關地方。上履憲臺。思慮理合詳明。稍舒蒿日之憂云爾。

庶政一留賢吏類

批提學僉事乞休呈

王陽明

據江西按察司呈。看得提學僉事都鏡。求歸誠切。堅守考槃之操。而按察司伍文定。挽留懇至。曲盡緇衣之情。是亦人各有志。可謂兩盡其美。然求歸者。雖亦明哲保身。使皆潔身而去。則君臣之義。或幾乎息。挽留者。難以為國惜賢。使皆覲顏在位。則高尚之風。亦

此勸駕
語非攀
轅語有
心人自
能會之

日。以。微。况。本。院。自。欲。求。退。而。未。能。安。可。沮。人。之。求。退。
仰。該。司。備。行。本。官。再。加。酌。量。于。去。就。之。間。務。求。盡。合。
于。天。理。之。至。心。欲。全。身。遠。害。則。掛。冠。東。門。亦。遂。聽。行。
所。志。若。猶。眷。顧。宗。國。未。忍。割。情。獨。往。且。可。見。危。授。命。
同。舟。共。艱。稍。須。弘。濟。却。遂。初。心。則。臨。難。之。義。既。無。苟。
免。于。搶。攘。之。日。而。恬。退。之。節。自。可。求。伸。于。事。定。之。餘。
興。言。及。此。中。心。愴。而。

批瑞州知府告病申

看。得。知。府。胡。堯。元。始。以。忠。義。興。討。賊。之。功。繼。以。剛。果。
著。及。民。之。政。雖。獲。上。之。誠。或。未。有。孚。而。守。身。之。節。初。
無。可。議。據。申。告。病。情。由。亦。似。意。有。所。為。大。抵。能。繫。矩。

不朽名
言可銘
座右

者。必。推。已。及。人。當。大。任。者。在。動。心。忍。性。仰。布。政。司。即。
行。本。官。照。舊。盡。心。管。理。府。事。毋。因。一。朝。之。忿。遂。忘。三。
反。之。功。事。如。過。激。欲。抗。彌。界。理。苟。不。淪。雖。屈。匪。辱。此。
繳。

庶政二恤官類

行南雄府保昌縣禮送故官牌

照。得。保。昌。縣。縣。丞。杜。洞。久。在。軍。門。管。理。軍。賞。清。介。自。
持。賢。勞。茂。著。郡。屬。之。中。實。為。翹。然。今。不。幸。病。故。使。人。
檢。其。行。囊。蕭。然。無。以。為。歸。殯。之。資。殊。可。傷。悼。今。尋。常。
故。官。小。吏。無。洞。一。日。之。勞。者。猶。且。有。水。手。殯。殮。之。例。
况。洞。從。征。惡。寇。跋。涉。險。阻。衝。冒。瘴。毒。又。且。平。日。才。而。

勞吏讀

資台折書卷四

三

此當為

且賢所謂以死勤事者矣。焉可以不從厚待之。是賢不肖畧無所辨也。為此牌仰本府官吏。卽于庫貯無礙官錢內。給與水夫二名。棺殮銀十兩。就行照例起關。應付船隻脚力。查照家屬名數。給與口糧。務要從厚。資送還鄉。開報及仰保昌縣官吏。卽便發長行水手二名。棺殮銀二十兩。及將本官應得俸糧馬夫銀兩照數支給。交付伊男及差的當人役。護送還鄉。毋致稽悞。

庶政三飭衙屬類

預頒條約之一

李少文

一倅貳衙官古之丞尉多簡才賢間居遷客故用濼

溪在分寧薄而大獄立次。黃山谷為葉縣尉而清才若聞氣節風流照耀青簡。當吾世而得此一二人可幸。對循不窮指臂相使。乃近代銓除率多白丁銅臭。舞文搶香腐薪。不可以擬。共渙泥豈所以膠物。兼之簞簞不飾。谿壑難盈。官為同眠之猶。役如傅翼之虎。間有始息。長吏批發狀詞。又或鑽營署篆。遂至一意打劫。百計償本。嗟嗟古人。鈎金束矢之意。謂何乃任其濫觴飽。瘡乎。今後各屬。凡衙官恣意專擅。不奉約束。私收一牒。私禁一人。指名申廳。以憑轉報。該書皂併行究遺。然址多提提。鐵有錚錚。果其奉公約已。砥礪當官本廳。且格外賞之。寧過以菲薄待人哉。

卷四

七

庶政四裁冗役類

請掣衙快。

文太奇

查得本縣步兵除守把四門外其役于廳事者凡六十二名總謂之步快手其內分役于主簿者十九名分役于典史者十名其聽長吏之指揮者三十三人耳除更番防守十四名外僅十九人耳邑雖彈丸小邑比于各縣特具體而微一切勾攝之令并投解會關之役匆匆而出豈十九人之可辦以一邑政令之所出而僅比于簿衙况目前馳驅王事拮据多方一夫而票數十在其手又責之東西出長吏何以程其後乎其主簿之十九名典史之十名無甚職掌而虛

糜百姓之膏脂可使之坐食耶故事捕盜皆宜長吏按季量撥其有勤惰卽得以三尺繩之而今專爲兩衙之私人本縣至不可問所捉獲盜犯爲誰所捉獲賊犯爲誰况鹽票皆係本縣之自爲督繳一遇小盜又討本縣之堂差爲協擊無論政出多門而本縣亦良苦矣况快手者衙役虎鷲之名也而衙官得遣之四出能無驚民間之雞犬乎步快與皂隸工食等兩衙各原編皂隸六名合無增主簿之皂隸六增典史之皂隸四亦足以奔走矣其監捕之役本縣仍按季各撥四名餘十一名聽長吏之役庶公役可少充而政體畫一卽本縣差人亦止期于了民事其步

快名色亦不免擾民查得步兵之赴州操原稱民壯其快手皆私稱合無仍裁去步快名色止稱名壯與守城門者同體亦民間一便

庶政五崇儉約類

查盤禁約六款之三

李少文

一減供應當官五斗黍竊民膏不著萬錢徒窮物力是以晚食當肉安貧見賞于坡公鼠壤餘蔬暴殄貽譏于老氏本願藿腸易厭薑性難移祇足一節從無兼味近見供給動求多旨餽牽竭矣糜費騷然甚至買辦人役居間射利虛冒作奸擾害行尸抑勒小民為累滋大今後凡駐劄衙門經過驛遞止備園葵脫

粟該巡捕官仍于供給簿內親填足數二字以防影射一切下馬飯小飯俱報罷釜爨不空已愧菜蕪之饑口腹有幾無煩安邑之肝幸鑿素心共存真意倣化唯奢養廉唯險煩簡雖云禮數多僕亦係民風豫章土瘠民勞稍存古道而靡靡末俗其能不波所貴在位者作法于涼濫觴蚤杜庶幾砥柱江河乃近來交際唯矜縟節率尚駢辭文物愈增忠信轉薄本廳真誠接物竭慮奉公節目潤疎懼濫稽中散之癖癖龜勉從事又無劉穆之之兼才何如盡兼格套一秉憲綱堪崇雅以黜浮更知心而略跡彼此相資顧不大哉益易著用享止言二簋書識及物不貴多儀

資治新書卷四

四

徒媿懸魚之風。敢忘愛聞之志。信矢言之非。謬亮同調之有人。

州縣致敬過賓。每以送迎為重。然望塵而拜。曲謹已請。夫河陽負弩。前驅驕貴。亦唯于園。今高材自能獲譽。何煩陶士。行之追出境。遂至蒙譏。奚取郭野王之歎。且官有典守。事有刻程。一迎一送之間。必至耽延。幾務吏胥伺目。氓庶拊心。至遣牌雖有定期。亦防意外。擔閣若使車未能載。適致行館徒切。懸旌是昭。本廳失信之譽。而重貽煩累也。今後地方該屬。止于衙門近處。稍展地主之儀。勿親候人之役。陽鱈之味。不如魴雞羣之中。獨有鶴本。廳且以此相賞矣。豈但勿

巽已哉

庶政六祈晴雨類

移城隍司祈晴

嶺南林鐵岩 諱嗣景 守憲 晉江人

為祈晴事。竊惟上帝命神。與

朝廷命官。雖司有陰陽。而職無彼此。總期與利。觸害

以共治。此土也。若不能承天惠民。則官之罪然。不能

開災捍患。則神亦有過焉。嗣環初釋草衣。即膺

特恩恭捧

簡命。自度嶺拜篆以來。盜賊充斥。有殺賊之膽。而帳

無猛士。狐社橫行。有破柱之意。而手乏斧柯。用是哀

鴻遍野。而不能緩。碩鼠入市。而不能禁。士皆菜色。而

以自責者。書神想見。居官之正直

資台祈晴卷四

七

不能發彼讀書之趣。農多縣耜而不能使。有逢年之樂。公旬三日。今力役無虛月矣。寧獨見刺于國。漕剗水為舟。今匠作非輸班矣。何以應手乎。雍絳况民膏已竭。偏飽騎兒之。垂官項雖強。空拜叢神之樹。嗟乎。畧舉數端。餘可類推。今一春皆雨。上下四方。渾成水國。南雄內外二城。相續墮塌。幾半。韶城亦相次倒壞。四五十丈。則不得不勞民力。則不得不重科里排。則不得不奸胥猾吏。借題入橐。是上天降災。偏與百姓為難也。且水漲溪。惡公無渡河病滯之。老幼男婦。淹沒不知其數。神獨何心。忍不救止。豈嗣環庭有冤民。與國有冤囚。與暮有私金。與則自信無此。抑有難興。

不放神
靈獨逸
是亦下
水推人
之溪世

之利難觸之害。歟。噫。君家婦難為也。本道嘗謂為汝民者。既苦為汝民之官。尤苦然則為此地之神。豈聽其獨逸也。零則曝身。潦當罪已。天不可呼。神宜諦聽。寧祈夢魂中。神呼我名。譙讓本道過失。使本道知省。毋徒憂我父老子弟為也。懇切故牒。

移城隍司禱雨

浙江秦瑞寰
臨陽人

竊惟六事自責在盛世不免無災。入蜡順成。惟神靈乃能育赫。是知有誠斯格。敢用悔罪以讖。非爰思無感不通。仰冀拯災而捍患。日者亢陽靡劑。驕旭逞威。霖斷露晞。霞頰雲頰。稼禾方振。奈水涸而坵龜。草木香樵苦汲。艱而泉竭。傷哉農子。胼乃手而抵。乃足惟

奠千斯倉而萬斯箱。嗟乎天公日出。杲而月出。皎何殊絕。其食而扼其吭。夏半則商羊肆虐。無異懷山。秋初又旱魃為災。有如煮海。若以曩時之霑雨貯為今日之甘霖。不幾雨暘時若。總緣人事之不修。釀作神天之怨恫。遂致水旱頻仍。某等身居民上。心忪懷中。慚善政之無聞。未獲蠲煩。除烈際昊天。之示儆。敢不涓髓滌腸。是用齋戒告虔。惟祈明神垂照。伏願燭龍避影。楊枝滴而雨足。郊原魚鱗作雲。稼穡沾而人歌樂歲。則竭誠乃以靖位。固具官職分宜。然而福國兼之。祐民允靈。神赫濯所在。孚禋上徹。神尚鑒諸。無任虔切懇禱之至。

庶政七 恤孤貧類

行南坡縣清查孤貧牌

李少文

為出巡事。照得養濟院之設。所以仁無告矜。不成人也。邇來奸偽日滋。篤廢者道路顛連。而少壯者夤緣收養。甚至甲頭申同。吏書虛捏。姓各詐侵。銀布以一人兼數人之食。每逢查點。募倩市丐。搪塞一時。本廳稔知此弊。昨突至該縣養濟院。據冊開二百六十六名口。其實在應點者。寥寥六七十人而已。此外非托言下鄉。即藉口循名。明係子虛。且全書刊載。該縣止應收養二百零八名。乃溢額多收五十八名。該縣經承欺冒至此。合行查究。

行金谿縣汰革孤貧牌

為汰換冒濫孤貧事。照得收養孤貧必先衰年無告以及篤廢天刑之人。即五官不全者多矣。不必盡瞽目也。乃該縣孤貧六十二名口。而育者五十四人。豈失明外遂無一可矜者耶。且院各孤老原取老幼兼收。今顧舍老者而偏收十二三歲之幼者。其義何居。此輩名數原有定額。必病故一各方可續收。彼齟齬之年非同垂盡。將後來之孤貧何從頂補。若自十餘歲即支給食糧。倘延至六七十歲。其糜費銀布不知凡幾。恐無此法亦大非恤窮之本意也。况盲人未嘗不習生業。年力强富。何事不可動作。而冒覬官糶。假

真正孤貧。翻不得沾一日之恩澤。此必其親屬與經承通同奸弊。分潤錢糧。本應追究。姑寬既往。令行閭飭。為此仰金谿縣照牌事理。此後不得盡收瞽目。不得濫收幼稚。其周四俚胡慶俚張苟俚李苟俚洪仗俚五名。仍速汰換。另以老耄顛連殘廢者驗實承補。具文詳報云。

庶政八槩節孝類

批保節執照

文太青

河洛雖禮義之圃。而季葉涼薄。有能振素心于芳閨者。亦空谷之足音。張氏特以勁節自甘。願禁強暴。感悅之耻。良堪嘉尚。本縣且藉手以浣汚俗。准照。



判保孤執照

楊正秀以十歲之幼童對訊井井有條立証繼母張之貞慈此子必能保家其姊夫栗賓寢處其廬者已經逐遷毋得再職其室或擾闖觀之貞倘子有他患若楊時臻若賓當之永照

庶政九 報盜賊類

報失盜

查得洛邑當關隴之孔四達交衝游手攘臂之徒踵接肩摩暴客竊發最難防禦仰恃本道保甲之法既編伍於鄉陬操兵之遣又聯跡於周道本縣視事旬日見居者有扞蔽行者有護持以為可藉以無警矣

不意佛善村以一時孤墅僅有十家無大村落之可援遂以盜聞據其失主地方之口暗進顯出驟是襤褸乞丐者皆棄其破絮破鞋而着失主之衣履以去蓋郡城四關煮粥奉例無問流寓一槩修養聞風四集不忍拒其就食不圖一飽之餘奸宄叵測因而生事實保甲之法所不及克詰者也

禁各屬派買官參詳文

福建周櫟園諱克工右藩

為公務事案照奉撫院張憲牌仰司官吏遵照咨文內事理速照承行飛促委官某前赴部院陳領運部發人參一千觔到閩分發文職官員以作一年俸薪之用原派俸薪銀兩各照官職大小按季扣抵參價

解部等因奉此云本司看得部發人參經職會同
臬司各道府縣各官當堂秤兌既不容少有採擇亦
未嘗略短分毫秤兌之後臬司各道疊加硃封以待
各府之自領衆既以爲無私矣然職向奉使經由省
直等處聞前此發參地方守令盡分派民間殷戶承
買上價爾時民爲規避差徭之計各辭殷實之名甘
心暗賂經承不敢顯居大戶彼爲吏者初常試而知
甘既因仍而飽欲以參爲餌以民爲魚信任蠹胥橫
行蠶食彼甫脫鉤此復罹網展轉相及郊郭靡遺民
徒畏彼虛名吏幸居爲奇貨穢跡鄙情不堪多述效
尤踵弊所在皆然卽就閩論之在昔不無陋規迄今

尙爲談柄使民之視參猶如荼毒是參昔爲養生之
需而今爲毒民之具也今伏讀戶部發參咨文似詳
知前弊令不得之民間仰見

盛朝恤民之至德而職更有意意外之防焉如納監原
聽人願納今則有勒令有僉點是明知有部文有憲
檄而固背之矣則發參一事安保其不再蹈覆轍耶
夫近省會者或知顧忌不敢冥行他如僻縣窮鄉未
能家論戶曉愚民既不達

朝廷之意指而長吏又專匿部憲之明文虎吏得以
恣其貪蠹役得以行其詐騷擾良民玷淄 隆化莫
此爲甚職所以不避怨嫌敢爲陳請計今發參各屬

多不數觔本官即竭力以償所輸有限何必借端滋
弊伏乞憲裁嚴賜申飭敢有不遵部文與憲檄明雖
捐俸暗派富家者許本人指名首告及上司確訪報
聞以憑揭詳拏問置之重典庶足官方警惕而百姓
惠安矣

庶政十二請交代類

署府求代詳文

台州王浴青諱崇州人

為殘疆亟宜備員重務實難兼理懇乞速委賢能以
圖共濟時艱事切照卑職自去秋叨蒙憲委星馳受
事爾時地方失守初經恢復其土崩瓦解之狀延有
不

隻身料理危疆外勸投誠內招復業捐俸買馬糞粥
賑饑仍一面請兵置砲束芻備糧修城濬濠建柵開
路凡係綢繆至計無不徹底經營以仰副各上臺委
任至意兩閱月而百姓安堵始有署事之毛經歷前
來又兩閱月而諸事就緒始有佐郡之徐同知蒞任
前此拮据之苦與夫調度之艱係卑職獨力支撐絕
無旁委凡此皆竭蹶供職之苦心亦砥礪官方之夙
志也業蒙各上臺曲鑒微勞謬加獎勸卑職方且感
激洪慈捐糜莫報尚敢作誘責偷安之計哉但念台
郡變亂之後滿漢兵馬供應浩繁沿海寇船時時告
警日今修葺城垣剋期告竣鳩工庀材暑刻靡暇又

戰船亟宜修造。沿港急宜椿山。六屬之芻糧急宜徵解。金紹之協濟急宜催呼。通海之奸民急宜盤詰。衛所之城壘急宜督修。此即使府廳各官分曹董治。併力經營。猶恐露肘捉襟。智盡能索。乃今以寥寥一二員兼捭百千萬億之事。能無綆短汲深之懼哉。况卑職以積勞之後。心力皆枯。釀成篤疾。痰灼肺燃。寒燥交作。屢加調攝。未見痊可。復值鹽臺按臨。抱疾視事。奔趨旬日。更覺狼狽異常。即欲仍前免強支撐。以候新官交代。不可得已。已經其詳。署白道李驗知。孱體不耐劇勞。並非飾討巧卸。故敢具詳轉請。且卑職苟蒙各憲臺越格栽植。苟可免效馳驅。自當力圖報稱。

豈肯任事于萬難措手之日。而反卸擔于儘可效力之時哉。寔以巖疆重務。在在須人。知府一郡。網領在海。守承平之日。尚不可一日缺員。矧地方破碎之餘。可令久虛正署。新守雖經銓補。迄今數月。杳無到任之期。員小事繁。精疲力竭。一人之能。事有限。合郡之公務無窮。一人之身家甚輕。半壁之封疆實重。必早借材于隣郡。始可奏效于目前。伏冀憲臺速委賢能。專攝府事。更擇佐領諸職。分督芻糧。使卑職得專理刑名。庶廣集衆思。而危疆可理。各專職守。而叢勝無憂矣。

資治新書卷之五目次

又告部

閔防一 蒞任閔防類

閔防詐偽

王湯谷

又

文太青

又

閔防二 申飭閔防類

再飭閔防

秦瑞霞

又

張雲方

又

條約

吳瑤如

又

李鄴園

署府約

蔣廷珍

堂規

紀子湘

行本府各屬牌

孫沂水

飭佐貳

資治新書卷五目

七上

Vertical columns of text on the right page, likely bleed-through from the reverse side.

嚴禁佐貳擅受民詞

王湯谷

飭吏胥

諭吏書皂決

侯筠菴

衙票請印約

文太青

懲衙蠹

嚴剔造訪積蠹

王湯谷

禁衙蠹訪後株連

王湯谷

禁訪蠹扳賍

王湯谷

抑土豪

飭法安民

席竺來

慎監獄

申嚴獄禁

王望如

清理獄囚

周計百

禁詞訟

禁濫准詞訟

王湯谷

申嚴反坐

王湯谷

勸民息訟

張梅菴

講鄉約

申明鄉約

蔡魁吾

鐸書示

蔡魁吾

講約十則之一

文太青

查保甲

再飭保甲

蔡魁吾

正風俗

革妓樂示

文太青

禁婦女入寺燒香

范正

禁鋪嫖

林鐵巖

又示

林鐵岩

禁止加貼產價

秦瑞寰

禁造假銀

楊似松

諮訪利弊

勸諭條陳

陳階六

示各商

胡道南

資治新書卷之五

湖上笠翁李漁蒐輯

關防一到任關防類

浙江王湯谷諱元暉按縣人

照得本院一介小臣蒙

皇上教育弘施由庶常而擢臺員纔授臺員遂膺

簡命恩深責重永期勉此七尺叩報隆遇不復知

有性命豈復知有交游情面積習誓以掃除務盡至

于本院家世久籍東萊祖父家傳惟青編世業終鮮

兄弟半生僅一弱子延師篤課不敢輕出戶外即有

一二骨肉情關休戚相愛相成方且勗作清官勉行

資治新書卷五

好事惟恐稍有隕越。上負朝廷下累族黨。豈肯自作匪類。喪人名行。但恐浙江地係孔道。奸宄易生。本院澄清伊始。合行嚴飭。爲此示仰各該地方文武官員。不時稽察。敢有流奸地棍云云。所在官司。一面鎖拿。一面報院。以憑飛疏上聞。立請王法。舉首歇家。定行重賞。舉發官司。特加薦揚。倘充耳不聞。養奸叢弊。本院不時微行。必能訪覺。歇家治以通同。有司責其聾聵。各有應得之罪。本院語無輕發。此番申飭。不比泛常故套。慎之。

又

文太清

本縣籍關西之幽野。雖抵伊洛之滢。僅千一百里。而

遙世業。讀并無觀。藝別國賈販。遠遊又厭憎。山人技士。甚恐有探知。洛下爲西京。必出孔道。而網射郊關者。保甲亟鎖。解縣容匿。不舉竝逮。

又

李少文

爲關防詐僞事。照得本廳世籍淮南。家居江左。門稱素族。巷異烏衣。子姓雖繁。雅知鍵戶。筆耕耻爲秦士。且本廳孤懷落落。蔭下無蹊。絕不以情面假人。一二知交。又習聞王不留行之餉。而望風自遠者也。至若技流騷客。素所厭絕。半面無緣。祇恐射利神奸。竊探履歷。指倚親識。誑詐愚民。除密訪外。仍許地方人等。嚴緝首告。以憑拏究。如有僧寮道院。民舍官祠。客舫

郵亭章臺酒肆受賄容留通同連坐

關防二 申飭關防類

再飭關防

秦瑞寰

為再申關防詐偽事照得本院自入境以來。聚處會
官訪拏蠹惡釐奸剔弊一味認真不知有身家安知
有情面衾影屋漏自信無慙。

皇天後土實所臨鑒茲者巡歷淮安淮固神好大猾
之藪也黎丘為幻習以成風颺颺畫行人不知怪慮
有詐偽之徒潛住地方勾結地棍衙蠹招搖串合肆
行詭編遇罪犯則承攬解脫對屬吏則講說薦揚據
其口無不可為之事過其手無一能返之錢若主意

稍有不堅鮮不墮其術中與者受者同罹于法憲綱
所係誰能為原除一面密訪拿究外合行飭諭

金華 張雲方 諱星 嵩 武進人

為祛弊終訟事照得案必歸刑本廳為庶獄受成之
地貴速不貴淹貴靜不貴擾貴平易不貴刻深乃兩
造有經年不就質者豈盡爾百姓之抗頑當亦錄從
前立法之未善一遭纏累動輒傾家爾輩不免畏途
視之矣大約衙門積弊不過差役房科本廳有犯必
懲差役寧敢行其恐赫無柄可假房科安可用其舞
文但此輩嗜利如飴慾不畏死小民無知輕聽或仍
墮其術中今特明白曉諭與爾百姓共見共聞差役



奉行牌票每以擒縱為騙端本廳勾攝人犯俱各屬
起解未到者不用差拘已到者不須保候彼如狼如
虎之威將何憑以逞凡託言採訪託言稟白皆斷斷
必無之事爾輩勿信其愚弄也房科承行事件每以
緩急為詐局本廳督催文移酌定五日為期雖欲速
不能速之五日之先雖欲寢不能寢之五日之後彼
如鬼如蜮之智亦何地可施凡託言翻提託言沉閣
皆斷斷必無之事爾輩勿信其愚弄也至招詳問擬
隻字皆出親裁片言不關胥椽撼山易撼本廳判案
難忘思打點事終無濟害且隨之迨至發覺追悔遲
矣從此一應原被告人等勿復觀望蚤赴完銷理曲

倘知自艾仍可哀矜理直定與大伸無煩瞻顧返終
凶為吉而化有事為無想亦爾百姓之樂從者

又 武康吳瑤如諱道煌
邑宰宛平人

為清風弊以期一新事照得本縣繩趨幅守荷茲劇
任如洗春冰事無巨細悉秉中正躬親裁決內外人
役毫不借以嘖笑委以事權城社之奸復何所容但
恐積年胥役膽大包天術工捕影妄窺意旨巧設騙
端鯨吞鼓頤蠶食張吻如一呈狀入先計所得幾何
必如數方為發行一牌票出更逐名搜括必如數始
為投到乃差役滿欲更為吏書作郵指稱關節必須
打點或給以沉閣給以轉詳一案經月不舉一詞屢



次翻提。甚至內寇外連。受盜賊之月錢。捱上官之比。較此等風靈。言之真可怒髮。今後有冒死犯禁者。按厥罪狀。重則發遣。輕則刺配。斷不姑息。以翫三尺爾輩。亦應保惜身家。奉公遠禍。深機巧。穿難逃。天網之恢恢。鉅筆舞文具。凜王章之赫赫。若覬不可得之利。以干必不赦之條。剖腹藏珠。其亦愚矣。各宜惕慮。無取噬臍。

又

金華李鄴園諱之芳
武定人

為防詐僞。以飭法紀事。照得本廳恪居官次。晝夕冰兢。首急釐奸。尤嚴御下。一切公移往來。及爰書簡牘。皆手自裁定。胥人止供繕寫。無從翫法。安所舞文。上

下相安已久。至停驂駐節。與有廉察之責。尤加意關防。第局新則耳目一更。弊大則情態百出。且愚民易惑。輿俗易驚。或指稱本廳胥快。託名採訪。誣詐地方。甚至情真罪當。鐵案已成。而妄言出入。事在矜疑。業經改擬。而妄邀天功。採聽影響。百計譁張。假捏虛詞。恣行網利。資財入手。即便潛逃。被害者不敢聲言。受誣者無繇控白。為此示仰巡捕官役地方人等。如有前項棍徒。即時首告。以憑拿究。倘有通同設騙。或隱匿不聞。及受賄縱脫者。訪出一體治罪。

條約

署府

蔣楚珍

照得本廳一載之間。察盤兩府。又兼從事。文武二關。強半在外道途。竭蹶之子。何能代斲。他芸力辭。府篆而不蒙憲允。相應于本月某日受事。各屬不許一人叅謁。紳衿吉帖。槩不敢收。惟是府務殷繁。愚蒙有素。一切大利大害。所當興革之事。渴望條陳。指教雖倫。蔭可安為期有限。然一日有一日之心。力一官有一官之職。掌苟有所聞。不敢不見。諸實事至。詞訟紛紛。各縣自能申理。除貪污及豪霸重情外。任雀鼠之噍。噍置狐狸于弗問。本廳誓不濫准一詞。山路崎嶇。爾民毋得匍匐自苦。如有沿街叫號。非時纏擾者。定行究處不貸。

堂規

杭州 紀子湘 諱 元 司理 文安人

為肅堂規以嚴法守事。照得本廳職司讞決。惟明克允。殊用兢兢。顧法行自上。始不自約。何以約人。法行自近。始不肅內。何以肅外。本廳祇奉五刑。以遠五疵。適輕適重。矢慎矢公。若爾狐鼠輩。伎倆原自易窮。窟穴從來難破。每聞積刁巨猾。必借衙門為護身符。是以鋤奸剔惡之途。反為叢好藪惡之地。本廳有慨于申久矣。茲與爾等三章酌定。務在必遵。當用純灰十觔。細滌肺腸。痛革前非。勉圖後善。稍有不悛。斷不爾貸。慎毋以身命為砥。

行本府各屬牌

衢州 孫沂水 諱 魯 司理 常熟人



爲浣除陋規以期相成事。照得本廳日爲上臺効驅
馳奉鞭箠。鯁鯁懼不得當。洪鼎之舉。非一手之力。大
車之推。豈一臂之功。所望同舟共濟。于諸州刺邑。令
之賢者實嘉賴焉。然慮間有陋習成規。更絃匪易。本
廳將按職掌而問之。禮貌兩傷。更欲默默自處。好好
逢人。則瘰曠滋。戾謫議難。迨諸賢亦豈能代本廳分
過乎。今悉捐嫌疑。直冒忌諱。列款如左。其各守而共
砥之。

飭佐領

嚴禁佐領擅受民詞

兩浙院蕭長源諱侯官人

照得 朝廷設官置吏各有專職。如郡縣中知府師

帥一方。縣令親民。攸寄訟獄。質成是其職掌。其餘佐
貳首領。原不許濫准詞狀。越俎妄行。今訪得湖中府
縣佐貳等官。無日不收呈詞。無時不出籤票。蓋因開
曹無事。因而節外生枝。差胥絡繹。雞犬不寧。轉斗稟
聞。開衙發落。但問稟票之有無。不管民情之曲直。朴
責幽繫。肆意橫行。間有事涉。張大恐致。決裂旋具。堂
呈以飾。非更邀批答。以肆虐嗟。浙民當兵火頻仍
之後。瘡痍未起。兼之水旱交侵。餓荒疊至。百姓僅存
骨。亟須刑清訟簡。少于休息。卽府縣正官。尚須爲
民省事。何乃職任。散閒輒敢如此騷擾。本院職在案
吏。爲此示仰官吏軍民人等知悉。以後凡佐貳首領



等官俱各恪守本等職任。除奉行院道批發呈狀外。不許擅受民間片紙隻字。如有不安職業。仍前騷擾。詐害良民者。許被害人等。不時赴院呈告。以憑題。叅決不容隱贖。貽害我百姓也。

飭胥吏

諭吏書息快

嚴州侯介夫諱良翰
蘭陽人

照得朝廷設官置吏。原以為民刑廳一司。別白是非。申雪冤枉。所以平人之不平也。若復招權納賂。縱役叢奸。民怨莫恤。職守安在。非惟有玷官箴。抑且重乖天道。至于胥吏勤謹。小心間不乏人。而違法造過者。惡聲既著。禍不旋踵。遁逃藏匿。則妻子生離。展轉

支吾。則身家立破。天道循環。惡不可積。本廳洞悉此弊。念之惻然。為此示諭爾等。各懷天理。須合人心。一切號件。恪遵法度。務省人金錢。務全人性命。一身既免譴責。之加子孫。當食忠厚之報。本廳特為此吃緊語。所以愛地方。亦所以惜爾眾也。至于差役拘提人犯。不過催辦公事耳。陋規一啓。豺貪無厭。以票牌為奇貨。視小民若魚肉。嚇詐刁難。彙滿志驕。會不思眾怒難犯。天網莫逃。近有罪惡貫盈。禍機相隨者。是即爾輩之殷鑒也。本廳上尊朝廷功令。中惜百姓膏血。下憐爾等性命。斷不輕差一役。下擾屬縣。間有一欽件重情。非差不結者。但許執牌赴縣守候。催解亦

不得妄入民家暴肆苛索。自示之後務要謹守法度。自保身名勿以役賤而罔恤。勿以惡小而可為。為官斂怨自詒伊感。併本廳一片苦心。置若不聞。且以寡恩相疑也。特諭。

衙票請印約

文太青

照得猾役之盜票索騙鄉井。以堂票無印。故本縣單票非印鈐者弗遣。即衙官應有奉行亦先期以印請。乃許布之四野。庶幾免漁獵之嫌。其僅以硃行者。即係使兒百姓得執之以問。

嚴別造訪積蠹

浙江 王湯谷 譚元職 巡按 山東人

為嚴禁大蠹開訪以除傾陷事。照得拏訪一欵。原為

老奸大猾。擅柄專權。倚托見任官勢。小民莫可誰何。又為勢惡土豪。結交官府。影借顯勢。詐害橫行。鄉愚受其荼毒。更為一班無賴梟棍。招集亡命。結盟插黨。姦淫打搶。誣賊殺人。窩贓線盜等項。道路吞聲。隨經廉得其事。狀發奸摘。伏奮其鷙。逐去其害。馬總。是為民除害。非以害民。聞得杭城有等積年巨蠹。盤踞衙門。專通外內線索。打探各屬事情。開單列欵。好惡逞其胸臆。生殺出之囊中。自神其術。放膽橫行。其陷害良民。羅織官府。則名曰造訪。夤緣大蠹。刪抹姓名。則名曰賣訪。受人囑托。硬砌無辜。則名曰做訪。打通十。一府線索關節。代易七十五縣衙役人名。則名曰換

吏巧更
捕匪吏
所思所
謂清官
難逃得
吏也

訪明開此人之歛。故將局外之賍填人名。下以待質。證當前番到別人身上。又名曰借訪。既誣正犯之賍。復捏無干證佐。傍註過付助惡。致使拖累衙門破家。蕩產。又名之曰乾訪。訪之名最多。訪之禍最烈。因而各屬權書蠹吏耳。灌其名心。虛膽慄。無不投托門下。月要歲會。前來供奉。一遇上司討訪。替死捉生。盡將菜傭塞責。真正大蠹反脫。然事外間有一二惡貫滿盈。上官坐名取款。本役旋即通知本犯。密令自開。歛賍。明中正契之產。妄填白估。封簽中表。至戚之親。寫做冤讐。對證到得法堂。研審之下。羣佐譁然。毫無的據。幾坐賍。出化作一杯雪水。有心執法。無處下針。駁

問經番終成漏網。為民除害。反為民害。為地方除蠹。反以滋蠹。本院積恨于中。除已經嚴拿極懲外。合行嚴禁。為此示仰官吏軍民人等知悉。凡有前項大蠹。盤踞衙門。號稱管帳。及一切造訪賣訪等弊。詐陷橫行者。本官不自行發覺。或為剪除。本蠹不翻。然悔過速行退避。許被害人等據實指名。赴院呈告。以憑立刻嚴拿處死。并將縱蠹殃民官員。一併飛稟究擬。本院鐵面無情。除好必盡。各宜慎旃。無自觸網。特示。

禁衙蠹訪後株連

照得本院明奉

簡命按視浙邦剔蠹除奸是其職掌。然除奸原以扶

善而剔蠹。乃以安民念此窮究極惡。盤踞衙門。竊官
府之威靈。作無窮之罪逆。小民受其荼毒。非一日矣。
一朝敗露。得以訪拿。方將盡揭其生平罪狀。暴之通
衢。爲斯民稱快。而向聞此輩訪拿之後。一片惡毒心
腸。如水益深。如火愈熾。自恃其罪過已極。法難再加。
遂爾橫行放潑。恣意食人。將胸中所記溫飽之家。及
有隄毗小隙者。至此憑空嚇詐。稍不遂意。信口株板。
以致遭官繫獄。判斷之下。難分真是真非。審結之時。
惟有卸賊卸罪。卽或極口稱冤。不無一二辯白者。然
而長途解審。禁幽囚。六問三推。經年累月。迨至水
落石出。而身家業已破蕩矣。小民畏如湯火。任其狂

詐。但願飽爾貪心。免其扳累。無事便爲大福。尚敢與
之爭論。是非哉。而若輩恃此爲詐。害靈符。恣行無忌。
毒烟千尋。迎風者無不焦額。是小民畏衙蠹于既訪
之後。較之未訪之先。更不啻百倍也。本院聞之不勝
髮指。除牌行司道府廳。嚴加申飭外。合行禁約。爲此
示仰官吏軍民人等知悉。凡一應訪拏衙蠹承問官
司。不許任其分外株連。成招審結。亦不許插入訪外
之人。如有前項蠹犯。怙惡不悛。拔害良民者。許被害
人等。不時赴院呈告。以憑本院立刻嚴拿處死。斷不
肯姑息。片時仍留地方大害也。

禁訪蠹扳賊

照得本院奉

命巡方剪除蠹惡。原為肅清民社。安靖地方。茲者拔
轡既城。聞得此中衙蠹。結黨成群。擇人飛噬。往往惡
貫滿盈。事露天敗。身扞法網。計復傾人。以致波及無
辜。株連良善。此又既蠹才風。倍于他郡者。方諸蠹得
勢之時。恃寵專權。作威作福。借蔭官府。剋剝小民。或
經管倉糧。乘機乾沒。或司掌庫藏。恣意侵肥。或以承
行詞訟。生端婪詐。或倚心腹線索。說事指証。勢焰嚇
人。柄握在手。家室富麗。羅綺滿前。淫佚驕奢。無所不
至。行路莫不腐心。道途罔敢側目。迨至被訪拿究之
日。輿情方快。公論少伸。而此輩一片惡毒心腸。如火

愈熾。不思孽由已作。仍復生計害人。如平日婪過賍
私盜過帑餉。已經訊供在案。悉皆誣卸平民。非借名
變產。即托言補庫。非捏稱拖債。即誑呈積遺。甚至虛
田虛產。無影無踪。逼令饕家。或富戶名買承問。官以
號件緊急。任其供拔。報一分。即追一分。不問是非曲
直。究之判斷。銀兩何曾完官。裕國仍用飽橐肥家。甚
至覷定富戶。姑不告官。故為唆黨搖詐。使其必從。佑
樂其樂。量家私飽慾方止。以賍贖為生涯。以監禁為壟斷。彼
甚。全在私嚇。方高坐囹圄。自奉如常。反令被害者。形繫杻械。長途
上取財。解濟六問。三推經年。屢月。只有骨盡皮穿。那能水落
反止。則被害者。竟致喪命。被害者。仍復身存家保。

其高
之一耳

所以蠹惡日甚日強良民日貧日瘠衙蠹作惡之日
百姓受害衙蠹獲罪之日百姓仍復受害以致地方
有拿訪一番加勅一道之謠真堪髮指尤可恨者聞
近日提解欵證火票虎差分頭四出索供索應無了
無休非但不異訪犯更有甚于訪犯者不思欵證乃
受害之人非作惡之人當日狼吞虎嚼既已受累無
窮忍令被訪作證之時又遭如此冤酷百姓何樂有
此巡方巡方何必有此訪拿也合行嚴禁為此示仰
官吏軍民人等知悉凡一應現在訪拿蠹犯承問官
司務要就事問事就欵鞠欵不許欵外蛇足一事事
後株連一人其欵證人犯止用總甲呼喚不得與蠹

犯一體拘拿如有怙惡不悛扳善良民者許被害人
等不時赴院呈告云云

抑土豪

飭法安民

杭州丁咸也諱浴初

照得里有美俗必鄉多善人非種不鋤嘉禾安遂本
府初蒞茲土首急彰瘴以樹風聲稔聞地方不逞之
徒十五五糾結成羣或包攬詞訟大開網利之門
朋比樛滿巧設攫金之筭又或酣歌酣飲以浪蕩作
生涯蹈險走空以機關為嘗試甚至武斷閭里稱地
虎以誰何詐善善以倚天罡而為難無知年少一被
牽纏破家隕命種種不法罄竹難書其人其事已廉

資台新書卷五

七

訪得真所不遠。拏究者。姑念與民更始。從茲翻然改行。即便嘉與維新。前愆可釋。自不深求。如或怙終。定難輕宥。蓋本府嫉惡最嚴。與善又最恕。爾百姓獨無血氣。心知者乎。

慎監獄

申飭獄禁

王望如

照得獄名狂狴以防奸也。近且以養奸。輕繫情迫。不惜營脫之金。重犯機深。廣布買販之肆。是以在獄內者。向獄外之人乞生路。而打點偏工。在獄外者。借獄內之人為死。奔而唆誣。最毒內外交通弊端。百出總繇防閑。雖設猶不設。典守有人。若無人也。甚至常例

人手官吏。且聽其指揮矣。豈囹圄果福堂而獄吏真足貴哉。本廳職在理刑稽察。圖罪實有蒞責。為此示仰司獄官。併提牢吏等。今後新犯與老囚。務須隔別。不許同居。門內與門外加謹戒嚴。不許通問。晝慎封門。夜督巡邏。本廳且不時親臨清查。閱點如善容各犯親屬。進監飲酒酣談。或藉送水飯。傳遞機閑。逗漏消息者。本廳訪知。定將該吏提究。本官申奪職守所關。寧不凜凜。

清理獄囚

頓州周計百謹命商河南人

照得囹圄之設。雖以懲奸。細惡然天道好生。仁人惜命。斷蟬蛸一息。齊于龜鶴之年。護胎卵。餘生即致鳳



麟之異古謂福堂全憑矜恤已蒙上臺洞燭軫念見奉頒發札諭不啻告戒諄諄本廳職司刑獄素具婆心分宜清理况淫雨連綿濕氣蒸鬱蚊叢蠅蠹暑熱為災合行出示禁約為比除將重囚照舊監候其餘罪犯遵奉上臺札諭吊取監簿逐一稽察應釋者即為釋放應保者即應台保外示仰提牢書吏及禁卒人等知悉今後務要逐日洒掃監房洗滌衲械不許堆積穢物在內以致蒸鬱生災如監犯遇病即便赴稟以憑撥醫調治敢有閉人黑地私自拷詐杜絕家屬送飯等弊察出定行重究不恕

禁濫准詞訟

浙江王湯谷 諱元 廣東人

為嚴禁濫准詞訟輕批衙官以安民生事照得寶婺兵火之餘留此才遺甯息未甦奄奄欲盡官斯土者正宜百意撫綏多方准恐或擾百姓始有更生萬一之望本院自下車以來浙中有等神棍自號訟師尚一唆挑百姓起訟與詞至發鄰則尤甚他處訟師尚是唆民起訟此處訟師專是代民代訟視殷實可嘆之家偶這小事小故輒代駕虛詞竟投官府以疾病老死者為人命以微債索逋者為劫奪以產業交易戶婚于連者為強佔為悔賴不獨被告不料亦且原告不知流弊流毒非大加嚴禁力障狂瀾將無底止乃聞近來有司不以此為痛心反以此為

事奇而確

留心民
廣者當
摘此二
句

堂官送
衙札帖
原以批
仰為謹
具查報
作卷申

此定例
也如何
改得

必如是
乃稱席
捲
小民單
怕此春
故惟命
是從不
然差後
無聽斷
之權衙
必畏之
如虎

得計。朝朝放告。日日投詞。片紙隻字。無不批行。承牌
者。有正差。有副差。有接差之差。有提差之差。鑽幹不
休。四道並出。或恣鷹拿于爪牙。或假貪狼于羽翼。拘
攝之票。一來。中人之產。立盡。似此吮吸。已屬難堪。不
謂愈出愈甚。更添一種烹肥分噬之舉。有等衙官。專
在堂官面前。奴顏婢膝。趨承幫湊。得其歡心。因而串
通內衙之主文。又憑臬堂上之吏胥。上下關通。結成
一片。縣官詞訟。山積。那能件件自理。又思衙官趨炎
附熱。豈可無事相酬。遂以批審為代勞之具。兩造為
贈答之資。內之主文外之吏胥。又從傍玉成。擇其題
目大。被告多者。貼以浮簽。盡批佐貳。亦遂多罰

殺石重。擬罪名。以此圖報。當下更以此招致將來一
詞到手。原被勒其餽獻。胥吏嗾使調停。止較金錢之
多寡。即為聽斷之輪。願彼佐貳下役。餓眼饞口。幸而
有此一日。如調餒而得梁肉。惟恐肚皮難填。如積渴
而得酒漿。恨不一吸立盡。要錢不已。必至絲麻布絹
盡入網羅。狗彘雞豚。悉為擣碎。牌票或借口欺藐。小官因
則回誑本官。或假為擲碎牌票。或借口欺藐。小官因
而大其名。曰拒捕。役以是誰之官。官以是誰之堂。而
告狀。百姓至此。遂不知正所矣。一家不已。延及親朋
親朋不已。延及村落。村落不已。延及里圖。嗟嗟不捕
盜賊。而捕百姓。真正拒捕之盜賊。反畏之如神明。不

敢聲喘之。百姓反。殘之。如蟲蟻。一紙狀詞。遂成賣男鬻女之文券。一張牌票。竟是傾家喪命之靈符。不畏天道。亦當上畏。

朝廷王法。不顧百姓。亦當回顧自己兒孫。本院念此。幾逾身受。除訟師惡棍。着落府廳。細訪嚴拿。以待懲處外。其佐貳批詞。合行申飭。爲此示仰官吏人等。知悉。此後各宜改絃易轍。猛圖自新。與民休息。凡事關重大。當爲申理者。許批付原告。令其自拘自投。隨投隨問。隨問隨結。不得妄遣差役。尤不得輕批衙官。其一切挑唆情詞。細故呈狀。須以法言巽語。嚴禁苦勸。務期使民無訟。敢再有幹批狀詞。借口拒捕。巧行抄

詐者。本院訪聞。佐貳官。定行重責立逐。衙役必以犯。駐處死。利歸鼠輩。怨貽官箴。雖至愚所不爲。而謂長民者爲之也。專此布告。其式聽之。

申嚴反坐

王湯谷 諱元職 山東人

嚴飭反坐之條。以杜訟端。以安民業。事照得浙中百姓。自軍興以來。荼苦萬狀。爾百姓皆因事不由。已付之無可奈何。至于詞訟一節。非朝廷官長所貽。由得爾等自己。稍一忍耐。便有無窮受事。稍一忍耐。便有無窮遺累。爾等到此。偏不自覺。紛紛告許。鬻掛訟連相尋。無已是爾等不得自由之苦。既已受盡多般。得以自由之苦。又復甘心願受。本院代爾思量。殊不可

解。念爾起事之因。或受傍人之挑激。或被訟棍之扛。唆鼠牙口角。駕爲瀾天之浪。微疵小隙。視同不共之。讐。裝點多端。惟圖一准。不知一准之後。本院不能件。件親審。勢必批行各屬。問官所司者。不止詞訟一項。遇有急事。不得不將。訟。暫停。遇有大訟。不得不將。小訟。權攔。卽有賢能問官。爲爾等申寃理滯。然爾等。守候之苦。亦不知歷幾許。時日費多少。盤纏悞多少。正事。况一事批到。被犯未至。原告先投。經承視爲利。途。差役誅求無已。又有一等。抽豐遊客。肆力招搖。爾等。苦欲求勝。必至蕩產傾家。不能取勝。又爲被告所。央。必至含冤負屈。及爾翻然大悟之後。一字公門。九

牛。難。接。雖。欲。休。息。其。可。得。乎。本。院。視。爾。等。百。姓。就。如。兒。子。一。般。好。兒。子。因。思。愛。養。卽。不。肖。兒。子。招。尤。羅。法。本。院。豈。不。心。痛。下。車。以。來。深。慮。民。間。幽。隱。未。達。疾。苦。難。言。每。出。經。行。見。有。疲。癯。老。疾。呼。號。當。路。兒。童。婦。女。匍。匐。街。中。者。猶。恐。罹。於。無。妄。被。人。欺。凌。每。每。停。輿。細。詢。奈。觀。其。情。殊。駭。聽。聞。審。其。詞。多。屬。影。響。爾。等。但。思。要。本。院。准。狀。有。何。苦。難。不。過。舉。手。拈。毫。批。一。准。字。便。可。了。事。誠。恐。本。院。了。事。之。後。而。爾。等。種。種。不。了。之。事。皆。從。此。起。是。本。院。以。安。民。之。苦。心。反。爲。擾。民。之。罪。案。興。言。及。此。尚。敢。輕。動。一。筆。妄。准。一。詞。爲。了。事。計。乎。自。今。日。出。示。爲。始。爾。等。除。戶。婚。田。土。一。切。小。事。當。赴。各。官。台。新。書。卷。五。二

有司衙門告理外。其有豪強吞噬蠹惡傷殘及貪婪等項重情。前來赴告者。必要一字不虛。言言可質。方可投遞。如所告人命三命內二命情實一命情虛。自治二命以應抵之罪。必加一命以反坐之。條所告。賍私百兩內九十兩為真。十兩為假。自追九十兩已得之賍。亦必坐十兩以虛誣之律。本院言不妄發。爾等務各三思。可已則已。萬勿輕舉一時。遺累後日。當此兵荒之後。正宜靜養休息。何苦以有用之資財。為無益之爭鬪。如再有恃強使氣之輩。紛瀆瀾擾。審無確據者。三尺具在。官法如爐。斷不為爾等再寬勸諭。至此淚隨筆墮。爾等千萬自愛。

勸民息訟

淳安縣令張梅菴

照得本邑既稱淳安。顧名思義。民風宜歸淳朴。近日則大類刁頑。尚氣健訟。名為淳而實則漓。固亦有心世道者之憂也。爾民但思兵火餘生。災荒殘喘。今日幸得安全。即為大福。想到從前苦境。尚有何怨不可相忘。何讐不可消釋。尚忍為此無益之爭。有損之控乎。倘事屬剝膚。萬不容已者。須遵本縣示定日期。進詞告理。惟人命強盜重情。方許不時呈報。至于戶婚田土。雖經評告。有親友能為解紛者。悉聽爾等從公具息。必不肯求。如有故違。責究不貸。

講鄉約

申明鄉約

蔡繼吾

照得鄉約之設原為承宣講勸以敦風化也蓋民無常性每隨習俗為轉移使日聞正言習正事彼將移而為正日聞邪言習邪行彼亦將移而為邪是故入芳蘭之室久而不聞其香入鮑魚之肆久而不聞其臭理固然也本部院惓惓于鄉約之義者正為此耳但必齒德兼長品行端方者方可勝任在有司宜待以優禮在士民宜遵其勸化此端風俗正人心之本也邇來江省自叛亂後不無匪類濫竽其中有司一槩視之甚至驅使同于役隸督責煩其差徭為鄉約者止以供徭役之指縱公私之需索而已有身家有

端本澄源之論勿作套例觀

德行者堅避不肯出所由來也本部院蒞事之日即留意于此業已申飭曉諭今據前情合行再示務合有司擇輿論所共推者使為約正副俾得一意宣揚勸導凡屑瑣趨承之事不得苛求之若地方有故則責之于保甲錢糧有誤則責之于里遞惟村社之子弟有傷風敗俗者是則鄉約之責也其中果能勸戒有方風俗敦厚有司轉詳本部院以憑給匾免其雜徭爾鄉約人等亦宜體上臺優待之意躬行講訓使一鄉相為做効不得干預外務出入衙門自取賤辱倘有匪類濫充許公呈出首定行究治不貸

鐸書示

齊台斤書卷五

二十

諭饒屬父老子弟知悉本部院撫茲江土承

聖天子仁愛斯民之意實欲先正俗而後行法先立
教而後明刑爾饒地素稱詩禮之區自變亂來流離
凋敝斯民失其恒產者有之恒心或亦因之頓晦牧
茲土者見民之日習于非也不得不繩以桁楊桎梏
本部院念此無知之衆久失教化深堪哀矜但不先
發其天良叮嚀勸戒遽施以敲朴民即苟免避法將
益流于詐偽源未澄而欲清其流殊非致治之本則
我有司與爾父老均宜分受其過語有云蓬生麻中
不扶自直白沙在泥不染而黑民俗之善惡人心之
淳薄豈不由于薰陶漸漬哉本部院視事之始即以

末俗而
聞盛世
之言此
天下將
治之徵
也

行鄉約保甲為曉諭布告通省既有日矣愧力短心
長不能家諭戶曉所賴良有司體愛民之心行愛民
之政以匡本部院所不逮惟爾饒之太守能懋勉力
行擇立都剛首舉鄉約申明六言之旨更建社講學
與士民覃敷文字教誨爾之子弟敦厚爾之族里此
爾饒百姓之幸也爾百姓試思之今官府以禮讓教
汝汝固得優游自如若以刑法繩汝汝安所措其手
足耶苟或氓頑不格爾從心肯是則教之不改

王章必難輕貸一陷于罪惡大者誅殺小者鞭撻自
罹法網全家離散又為眾人之所共棄求若此之協
和仁愛雍容歌詠各享其父子妻孥之樂豈可得乎

爾等務各傾心向化。講鄉約卽思行此鄉約。父勸其子。兄勸其弟。尊長勸其卑幼。親朋勸其黨與。期無負上官諄切至意。使人共稱爲仁里爲德鄉。本部院採風問俗。必首嘉與此矣。倘鄉約中有能實實化導一方者。該府卽以具聞。本部院給匾額旌榮之。如有梗化亂教者。本部院訪知立爲爾地方剪除敗類。決不姑息。其慎遵毋忽。

講約十則之一

文太青

講約每于廟觀者。非但空閑之所。便于集衆。實于鬼神法度相維。設教而有司之不法不平。亦不可以對神明本縣。反躬自訟。飲一滴食一粒。盡爾輩脂膏原

非取之梓里。講約貴弟之任。何善可以省民。借此赴講之期。一進爾輩而教之。良爲一快。此來視等常官民之分。不同哉。爾輩師爾輩。卽我弟子。特命之揖。拜習禮。雖短襟露肘。一如士子之儀。正以士君子之道。待爾輩。爾輩亦無以鄉人自待。有司扶弱抑強三尺者。不貸之刑書。試看千名犯義。有不執而懲之者乎。衙蠹土豪。有不逮而坐贓者乎。予少時卽不欲作州縣。誠不能以鞭朴度歲月。鞭朴豈快活生涯。而我日爲之初。令東萊卽命一書記。專錄刑杖名之。曰慎刑錄。每夕檢閱。惟恐誤責一夫。自受事之日。至出邑之日。一板不遺。竹刑之壞者。收付工房。姑以竹

身說法
那得不
命頭

刑計蓋在縣計二十月而壞者計八百條至今追思
如負芒刺願爾輩息忿止詞若兩造一具即唐虞之
時皋陶為士亦須鞭作官刑安能為之曲貸也

查保甲

再飭保甲

照得保甲之設原以地方多事告盜賊者無日不有
本部院痛念民生欲為爾百姓人等計圖雅席之安
故申飭有司善行鄉約保甲之法悉依烟門條冊使
爾等互相稽察不使容藏匪類貽害地方別無紛更
苦難之事強爾等而不能行者其中有耕讀貿易遷
舍移居爾輩擇便自安更無拘累總以到處不能

逃編戶之外為獨立門戶之人蓋約保一事不特官
會之地舉行江省闔境無不遵行之矣今聞爾百姓
人等轉相驚恐喻稱不便爾等思之必盜賊劫掠夜
不貼枕之為便乎抑坊鄰共聚善長相友之為便乎
此必不肖之徒欲恣作非為是以造語煽惑欲阻撓
良法耳如或有司奉行不善胥隸借端設詐及有一
切未達之情不妨齊集約保進呈本部院或口不能
達者即詳具條陳遞進果言之有裨本部院定採擇
施行爾約保等亦不必依朔望日期但于每日出堂
時皆可投見決不厭聽聞也

正風俗

資治新書卷五

三

革妓樂示

文天瑞

聞往例春事。有以娼優為戲者。昔女樂一受。而雉噫。遂歌。豈有以粉黛造公堂者哉。亟罷之。

禁婦女人寺院燒香

杭嚴范

正諱河南人

禁約事。照得杭俗淫奢成習。每逢春月民間婦女。悉皆入寺燒香。駢肩纒迹。于招提逐隊成行。于道路盛粧艷服。女男溷雜。而不知羞。註疏題椽。僧道擁擠。而不足怪。甚至艷悍兵之日生。惡棍之心。受耻辱。啟淫風。無所不至。良可浩嘆。為之夫男。不但不能禁止。且有相逐携行者。風俗頹敗。最為可鄙。合行嚴禁。為此示仰士民人等知悉。嗣後無論城示鄉村。老少婦女。

俱不許往來寺院燒香。賽愿說法聽經。以長姪襲之。風敢有故違。本道不時差人巡訪。定行嚴拿。夫男重責枷號。僧道住持。不能拒絕。擅自接引者。一併究處。斷不姑貸。

禁錮婢

林鐵岩

為風俗事。幼考古禮。男子三十而娶。女子二十而嫁。有故者。纔二十五而嫁。私心迂之。在男子未為愆期。若女流正恐玉貌易頹。抑亦冰心弗固矣。不為留俗。殆有甚焉。人家蓄了鬢及笄而嫁者。十無一二。往往逗遛淹固。蹉跎年月至三四十歲。猶不知正夫妻之倫。完室家之好者。縱幡然擇配。而屈指歸桃之日。亦

之子于歸宜其家人

就木之年矣。夫夫婦婦之道絕。則父子之倫。熄。本道與爾俗莊語。必迂吾言。但使生寡之女。倚示誨淫招搖。井僧奈何。又使賈墻不高。鷲地狐綏。奈何。又使外有設餌之勞。而內無投梭之拒。奈何。不可說也。言之羞也。爾俗以吾言為懼。否夫風俗頹壞。壞之不在一時。救之非可一日。所賴郡縣二三賢良君子。共為釐剔。除從前存而不論。禁飭之後。合城內外鄉約地方。亟錄某家有某婢。當嫁不嫁者。若干人。盡十日內回報。本道勒限議婚。以兩月為期。勿俾怨女曠夫。上干天和。中淤

皇政而下絕人絕。則自今伊始。鴛鴦橋。何必再逐。

楊花且朱顏白首為之平分春色。非但移俗亦以止淫特論。

又示

照得爾韶十獲九媪。班首稱鬢。有女無男。散髮至老。本道初得傳聞。近查戶册。始信生女鬻人。不如路傍之棄。卑身作婢。遂失人道之平。延習已久。憐不知故。此等頽風。前示亦既開陳。明切矣。自今伊始。歲過五十者。生育道息。難比夏南之母。始聽終老。其四十以內。荷絲未殺。可配中歲。斷絃之鰥。限一箇月。各士翁作速招贅。彙册繳報。毋使冉冉餘青。轉瞬奄謝。其娉婷少變。並聽待年。是舉也。枯楊生梯。女無夫而有夫。

老馬爲駒主無奴而有奴不獨各燕新婚亦且並襄家務其飭行之毋忽

禁止加貼產價

爲嚴禁加貼勒贖以過刁詐事照得買賣田產折券交銀原出情愿若過割糧差驗實賣契卽不許借端加贖告詞立案不行律有明條邇來刁詐成風有等奸徒初因家業蕭條鬻產與人逮至受值花銷關伺售主或荒田耕種成熟或敗屋起造重新輒復告回贖告加貼葛藤不已甚有祖父賣出一二十年而子孫尚在告索者有投獻豪右而狼狽圖詐者不肖有司不但不能禁止反因之爲奇貨厲階詞狀甫投差

拘查出過客抽豐鄉親分上罰銀罰穀不厭不休近如署諸暨印經歷薛金印准趙鳴佩捏索加之詞妄詐蒙叅杭刑官詳徐洪范松被何莘吳志寬舍原賣主陳繼顯而無端詐貼又仁和縣詳張之翰強贖久賣之田輒捏謀叛拷餉諸如此類實難枚舉告期之中佔產逼契紛紛見控似此刁風日熾詐害安窮合行禁約爲此示仰官民人等知悉凡契賣田產房屋已經稅契過割者概不許告加貼價妄呈回贖府縣各官依律立案毋得准行倘或勢豪劣衿請托有司徇情妄斷本院得之告發訪聞定拿本人并唆訟者重責枷號問官記過若有賄私仍行叅處決不輕貸

其各凜遵

禁造假銀

浙江楊似公諱旬瑛 晉江人

照得浙中好用低鏹。本院聞之素矣。有梅銅粒貼插錫刺鉛對衝煎餅鹽燒諸名色千態萬狀。總以愚惑良民。懸彌畫行。成何世界。細詢根由。皆云有等奸匠。專一安爐立竈。煎燒假物。代代相傳。專一欺朦愚懦。流害鄉城。用本錙銖獲利無算。以致市棍神奸。走死如鶩。競相傳習。甚至交通總甲。倚托勢豪。控通衙憲。得賄塞口。不復稽查。所以粗心大膽。任意公行。市肆盡屬把持。商民徒懷怨恨。嗟嗟窮商。挈資遠來。擔多少驚恐。受無數風波。博此蠅頭微利。歸家上侍父母。

下育妻兒。一旦為蠹奸坑騙。未有不喪本損資窮途。隕血。至于城隍。肩挑小販。日趨日蹙。經年生理。不過兩數本錢。一家老少。靠此過活。得此低鏹到手。空費躊躇。初猶光彩。可觀轉眼。青黃變色。不特資本全虧。甚至性命不保。吞聲受苦。告訴無門。本院按臨。茲土耳熱心傷。除將前項奸匠。見在嚴拿。究遣外。為此示仰官吏軍民人等。知悉自禁。之後。一切買賣。務要足成足色。煎銷鋪戶。着落左右兩隣。取具不扶甘結。于每月望朔。具呈有司。以憑稽核。敢有好匠。倚托勢豪。勾連市棍。交通總甲。賄賂蠹胥。仍然煎造假銀。公然使用。有害商民生理者。不拘諸色人等。執赴所在官

驗明卽重責五十板用二百劬大枷枷示通衢直行處死通商惠民在此一舉有法必行慎勿少假

諮訪利弊

勸諭條陳

平湖陳階六諱台孫邑宰

照得本縣職任親民操刀學割未能周知民間疾苦卽利弊興除間亦咨詢一二然實者不聞聞者不悉今茲承乏茲土責任匪輕中心怵惕所願坊都里遞耆老諸生人等一切利所當興弊所當除極陳無隱譬如漁樵之于山水日見豈不分明亦如川陸之於車航適用方爲有益雖綿力難堪瓜期有限然沸河之烏亦盡其誠十駕之馬終能及驥知之旣真行之

必力所有地方事體理合條陳每逢朔望日候投文後執詞面遞以憑採擇施行各據心思以固桑梓毋負本縣諏訪至意

示各商

胡道南

爲鹽法貴在因時諮詢務求實效事照得本院奉命視淮下車之後例有條陳且稟遵



勅諭博採利弊敢不一秉虛公務準至當以垂可久顧論鹽政于今日亦難言之矣殘綱積引歷年未疏協餉帶徵兼催難緩奸販縱行而莫可誰何市糴把持而良善束手且官之剝商如同取燧挹河蠹之借費不啻弱肉強食鹽政所以日壞而不復振撫今追

逐項處
出始見

昔安得不為痛心乎。本院甫膺斯任。一如救焚拯溺。未敢刻緩。若但自計考成。不從根本補救。或再加股削。罔恤商力艱難。是本院忍負爾商。即所以負朝廷也。本院斷不出此。惟是實心體恤。天日為昭。凡可興除務。為建白。尚幸振刷可期。如諸商慮禍。嚮嚮一切大利大害。不肯指陳。止憑市棍把持。甘心唯諾。視同秦越。坐見鹽政無復振之日。是諸商甘于負本院。非本院負諸商也。合行出示曉諭。為此示仰淮南北徽西各商人等知悉。如目前見行正鹽二引附銷一引。許多帶鹽百斤。固為疏通良法。而窩積如舊。此何以故。如戊巳積引附銷。僅三十餘萬。而庚子正引

實心經
理非循
諒訪售
套條陳
和辭者
亦不敢
作依樣
胡謔矣

反積下四十餘萬。壅礙于消。此何以故。至食鹽必計戶口。今額地既減。引課日增。銷賣無地。將若之何。即多帶鹽斤一項。長蘆河東。浙江皆經獨免。獨兩淮題請十年帶徵。今再請八年帶徵。萬一部議未允。將若之何。至于扣筭之法。止可行于已納。而空窩之未納多懸。新票之給換。無主將若之何。即招商之議。實非得已。雖本院執法。可以自信。而僉報或懼擾民。不報誰為完課。將若之何。他如革科斂絕。匪除。蠶蠹。便商竈。皆與爾商最為閼切。定限五日內。逐一公議。詳晰直陳。苟有確見。可裨鹽政者。俱准條議呈遞。本院起家外吏。情偽周知。如係假公濟私。定行究處。爾諸



商其悉心。籌畫以副本院。倦倦。詢訪之意。毋隱。毋忽。須至示者。

終

金取兩頁

